



册府元龜

卷之三百七
至九



13
849
71



門 4 3
849
71

刑府元龜

淮南李嗣京參閱

西極文翔鳳訂正

豫章黃國琦較釋

閏位部

二十六

恩宥

書曰文王作罰刑茲無赦故有國者哀其下民觸法
抵禁乃有赦焉益與人更始而開自新之路也自吳
蜀創國江左建號或易姓革命之始出師飲至之辰

刑府元龜

閏位部

卷之三十七

日蝕地震之變立後封子之慶莫不推恩肆肯以流
惠澤乃有一歲至于再三者此又數而失中非御民
之術也諸葛武侯有云劉景升季玉父子歲歲赦宥
何益於治斯實鉅賢嘉話可垂世而為戒矣
蜀先主章武元年四月丙午即皇帝位於成都武擔
之南是月大赦改元

後主建興元年五月襲位於成都大赦改元

延熙元年正月立皇后張氏大赦改元

六年十一月大赦

臣欽若等曰自此已下不
書降赦因作者史氏闕文

九年秋大赦

臣欽若等曰自此已下
不書月若史氏闕文

十二年四月大赦

十四年冬大赦

十七年正月大赦

十九年元子璿為新平王大赦

二十年大赦

景耀元年史官言景星見於是大赦改元東太守燕

四年十月大赦

炎興元年夏大赦改元

吳大帝權黃武三年八月赦死罪

黃龍元年四月丙申南郊即皇帝位是日大赦改元

三年十二月丁卯大赦改明年元為嘉禾

嘉禾二年正月詔曰朕不以德肇受元命夙夜兢兢

不遑假寢思平世難救濟黎庶上答神祇下慰民望

是以眷眷勤求俊傑將與戮力共定海內苟在用心

與之偕老今使持節督幽州領青州牧遼東太守燕

王

公孫淵也

久脅賊虜隔在一方雖乃心於國其路靡緣

今因天命遠遣二使款誠顯露章表殷勤朕之得此

何幸如之雖湯遇伊尹周獲呂望世祖未定而得河

右方之今日豈復是過普天一統於是定矣書不云

乎一人有慶兆民賴之其大赦天下與之更始其明

下州郡咸使聞知特下燕國奉宣詔恩令普天率土
備聞斯慶

赤烏三年四月大赦

五年正月立子和為太子大赦

八年八月大赦

十年十月赦死罪

大元元年五月立皇后潘氏大赦十一月大赦

神鳳元年二月大赦改元

廢帝亮建興元年四月即尊號大赦改元

二年十月大饗武衛將軍孫峻伏兵殺大將軍諸葛

格於殿堂大赦

太平元年十一月己酉大赦改元

二年四月臨正殿大赦始親政事

九月甲申大赦時吳侯基在內盜乘御馬收伏獄亮問侍申刁玄曰盜乘御馬如何玄對曰科應死然魯王早終惟陛下哀原之亮曰法者天下所共何得阿以親親故耶當思惟可以釋此者奈何以情相違乎玄曰舊赦有大小或天下亦有千里五百里赦隨意所及亮曰解人不當爾耶乃赦官中基以得免景帝休永安元年十月卽位初御正殿大赦改元

五年八月戊子立子靈為太子大赦

七年正月大赦七月壬午大赦

後主皓元興元年七月嗣位大赦改元

甘露元年四月蔣陵言甘露降於是改年大赦

寶鼎元年八月所在言得大鼎於是改年大赦

二年春大赦

建衡元年十月大赦

二年大赦

三年監軍虞汜蒼梧太守陶璜破交阯擒殺晉所置守將九貞日南皆還屬大赦

鳳皇元年八月樂鄉都督陸抗平西陵取步關大赦
二年九月改封淮陽為魯東平為齊又封陳留等九
王凡十一王大赦

天冊元年吳郡言掘地得銀長一尺廣三分刻上有
年月字於是大赦改元

天璽元年吳郡言臨平湖自漢末草穢壅塞今更開
通長老相傳此湖塞天下亂此湖開天下平又於湖
邊得石函中有小石青白色長四寸廣二寸餘刻上
作璽帝字於是改元大赦

天紀二年七月立成紀等十一王大赦

四年春立中山代等十一王大赦
宋高祖永初元年六月既受晉禪設壇于南郊古大
禮畢備法駕幸建唐宮臨太極前殿詔曰夫世代迭
興承天統極雖遭遇異途因革殊事若乃功濟區宇
道振生民興廢所階異世一揆朕以寡薄屬當艱運
籍否終之期因士民之力用獲拯溺救世撥亂寧民
業未半古功參曩烈晉氏以多難仍遭歷運已移欽
若前王憲章令軌用集大命于朕躬惟德匪嗣辭不
獲申遂祇順三靈饗茲景祚燔柴于南郊受終于文
祖猥當與能之期爰集樂推之運嘉祚肇開隆慶惟

始思俾休嘉惠茲兆庶其大赦天下改晉元熙二年
爲永初元年賜民爵二級鰥寡孤獨不能自存者人
穀五斛逋租宿債勿復收其有犯鄉論清議賊汙淫
盜一皆蕩滌洗除與之更始長徒之身特皆原遣亡
官失爵禁錮奪勞一依舊準

八月立王太子義符爲皇太子詔曰朕承曆受終猥
饗大命荷積善之祚藉士民之力七廟脩文率繇令
範先後祗嚴獲遂宣訓蒸嘗肇建情敬無違加以儲
宮脩禮皇基彌固國慶家禮爰集旬日豈予一人獨
荷茲慶其凡刑罪無輕重可悉原赦限百卅以今爲

始先因軍事所發奴僮各還本主若死亡及勲勞破
免亦依限還直

二年正月辛酉親祠南郊大赦天下

三年正月甲辰朔制罪無輕重悉皆原降四月己未
帝以疾瘳大赦天下

少帝以永初三年五月癸卯卽位大赦

景平元年正月己亥朔大赦改元文武進位二等七
月以旱詔赦五歲以下罪人

文帝元嘉元年八月丁酉於中堂卽皇帝位大赦改
元文武賜位二等逋租宿債勿復收

二年正月丙寅親祠南郊大赦天下

三年正月荊州刺史謝晦反帝親率六師西征大赦

天下閏正月丙戌皇子邵生二月乙卯繫囚見徒一

皆原赦

四年正月乙亥朔曲赦都邑百里內二月行幸丹徒

三月丙子詔丹徒五歲刑以下皆悉原遣

六年三月丁巳立皇子劭為皇太子戊午大赦天下

賜文武位一等

八年六月乙丑大赦天下

十年正月己未大赦天下孤老六疾不能自存者人

賜穀五斛七月曲赦益梁秦三州

十一年四月梁秦二州刺史蕭思和破氏楊難當梁

州平五月丁卯曲赦梁南秦二州劔閣北

十二年正月辛酉大赦天下

十三年三月己未司空江州刺史檀道濟有罪伏誅

庚申大赦天下

十四年正月辛卯親祠南郊大赦天下文武賜位一

等孤老六疾不能自存者人賜穀五斛

十六年十二月乙亥皇太子冠大赦天下

十七年十月戊子前丹陽尹劉湛有罪伏誅大赦天

下文武賜爵一級

十九年四月甲戌帝以久疾始奉祔祀大赦天下

二十一年正月己亥大赦天下詔諸逋債在十九年以前一切原除去歲失收者疇量申減尤弊之處遣復就郡縣隨宜賑卹凡欲附農而糧種匱乏者並加給貸

二十三年四月丁未大赦天下

二十四年正月甲戌大赦天下文武賜位一等囚繫降宥逋負寬減各有差孤老六疾不能自存者人賜穀五斛

二十六年二月車騎駕幸丹徒謁京陵二月丁巳詔曰朕違北京二十餘載雖云密邇瞻塗莫從今因四表無塵時和歲稔復獲拜奉舊塋展罔極之恩饗讌故老申追遠之懷固以義兼於桑梓情加於還沛永言慷慨感慰實深宜聿仁惠覃被率土其大赦天下復丹徒縣僑舊今歲租布之半所經縣蠲田租半年二千石官長並勤勞王務宜有霑錫登城三戰及大將戰亡之家老病單弱者普加贍卹遣使巡行百姓問所疾苦孤老鰥寡六疾不能自存者人賜穀五斛二十七年十一月丁未以魏軍來侵大赦天下

二十八年十一月壬寅曲赦二兗徐豫青冀六州
孝武帝以元嘉三十年正月自武陵王舉兵向闕誅
元凶劭四月己巳卽位於新亭大赦天下文武賜爵
一等從軍者二等賊汙清議悉皆蕩除高年鰥寡孤
幼六疾不能自存者人賜穀五斛逋租宿債勿復收
長徒之身優重降宥五月克定京邑元凶劭及諸同
逆伏誅甲午曲赦京邑二百里內並蠲今年租稅
孝建元年正月己亥朔親祠南郊改元大赦天下七
月丙申朔日蝕丙辰大赦天下文武賜爵一級逋租
宿債勿復收

二年六月甲子以國哀除釋大赦天下

九月詔曰國道再屯艱虞畢集朕雖寡德終庶鴻慶
惟新之祉實深百王而惠宥之令未殊嘗溼永言勤
慮寤寐載懷在朕受命之前凡以罪徒放悉聽還本
犯釁之門尚有存者子弟可隨才署吏

三年正月壬子立皇太子妃何氏甲寅大赦天下
大明元年正月辛亥朔改元大赦天下賜高年孤疾
粟帛各有差

二年六月丙申詔口往因師旅多有逋亡或連山渠
逆懼致軍憲或辭後憚勞苟免刑罰雖約法從簡務

思弘宥恩令驟下而逃伏猶多豈習愚為性徂惡難
反將在所長吏宣導垂方可普加寬申咸與更始

三年七月巳巳克廣陵斬竟陵王誕辛未大赦天下

臣欽差等曰誕為司空南兖州刺史有罪
貶爵誕不受命據廣陵城友至是誅之

四年正月乙亥躬耕籍田大赦天下尚方繫囚及逋

租宿債大明元年以前一皆原除方田之民隨才叙

用孝弟義順賜爵一級孤老貧疾人穀十斛籍田有

司優加霑賚百石糧種隨宜貸給下二月辛巳幸廷

尉寺凡囚繫咸悉原遣丁未幸建康縣原放獄囚

五年二月癸巳閱武詔曰頃化弗能孚而民未知禁

違役遣調起觸刑網凡諸逃亡在昧爽以前悉皆原

散已滯囹圄者釋還本役近籍新制在所承用殊謬

寔多可普更符下聽以今為始若先已犯制亦同蕩

然

七月曲赦雍州九月行幸琅邪郡囚繫悉原遣

女年正月辛卯親祠南郊是日又崇祀明堂大赦天

下

七年二月帝巡南豫南兖二州壬戌詔曰朕受天慶

命十一年於茲矣憑七廟之靈獲上帝之力禮橫四

海威震八荒方巡三湘而奠衡嶽祀九河而簡云岱

今恢覽功成省風畿表觀臺六合蒐較長州騰砂飛礫振嶽盪海星鳥合序攝提協節入獻鬯典饁獸瓊郊敬舉王公之觴廣納士民之壽八風循通卿雲叢聚盡天罄瑞率宇竭歡思散太極之景以福無方之外可大赦天下

十一月帝在南豫州丙子赦本州殊死以下巡幸所經詳減今歲田租

十二月丙午行幸歷陽甲寅大赦天下南豫州別署

勅繫長徒一切原散其兵期考襲謫戍悉停

臣欽若等曰考

謂考課襲謂襲爵也

前廢帝以大明八年閏五月庚申即位大赦天下

永光元年正月乙未朔改元大赦天下

景和元年九月親討徐州刺史義陽王昶昶奔於魏

十月癸亥曲赦徐州而還

十一月壬寅立皇后路氏四廂奉樂赦揚南徐二州

丁未皇子生少府劉勝之子也大赦天下賊汙淫盜

悉皆原除賜爲父後者爵一級

明帝泰始元年十二月丙寅卽皇帝位詔曰高祖武

皇帝德洞四瀛化綿九服太祖文皇帝以大明定基

世祖孝武皇帝以下武寧亂日月所炤梯山航海風

雨所均削袞襲帶所以業固盛漢聲溢隆周子業凶
匿自天忍恃成性子業即廢帝也人面獸心見於髻日反道

敗德著自比年其狎侮五嘗急棄三正矯誣上天毒
流下國開闢所未有書契所未聞并羅過密而無一
日之哀齊斬在躬方深北里之樂虎兇難押馮河必
彰遂誅滅上宰躬釁逆之酷虐害國輔寃孥戮之刑
子鸞同生以昔憾放殄敬猷兄弟以睚眦殲夷徵逼
義陽將加屠膾陵辱戚藩橫楚妃主奪立左右竊子
置儲肆醜于朝宣淫于國事穢東陵行汗飛表積釁
罔極日月滋深比遂圖犯玄宮志窺題奏將肆梟獍

之禍騁商頓之心又欲鴆毒崇憲虐加諸父事均官
閭聲遍國都而鴟梟小豎莫不寵暱朝廷忠誠必也
戮挫收掩之旨虓虎結轍掠奪之使白刃相望百寮
危氣首領無有全地萬姓摧心妻子不復相保所以
鬼哭山鳴星鈎血降神器殆於馭索景祚危於綴旒
朕假寐凝憂泣血待旦慮太宗之基於焉而泯武王
之業將墜于淵賴七廟之靈籍八代之慶巨滑斯殄
鴻沴將褰皇綱絕而復紐天緯缺而更張猥以寡薄
屬承乾統上緝三光之重俯顧庶民之難業業矜矜
若履冰谷思與億兆同此維新可大赦天下改景和

元年爲泰始元年賜民爵二級鰥寡孤獨不能自存者穀人五斛逋租宿債勿復收犯鄉論清議贓汙淫盜竝悉洗除長徒之身特賜原遣亡官失爵禁錮舊勞一依舊典其昏制謬封竝皆刊削

二年正月吳郡太守顧琛吳興太守王曇生義興太守劉延與晉陵太守袁標山陽太守程天祚竝舉兵反二月曲赦吳郡吳興義興晉陵四郡晉陵平癸未曲赦浙江東五郡

三月癸丑曲赦揚南徐二州囚繫凡逋亡一無所問四月丁酉曲赦豫州

八月建安王休仁討江郢荆雍湘等五州平定之晉安王子勛等竝賜死同黨皆伏誅九月乙酉曲赦江郢荆雍湘五州守宰不得離職癸丑六軍戒嚴大赦天下賜民爵一級

十月戊寅立皇太子昱爲皇太子曲赦揚徐二州十二月乙丑詔曰近衆藩稱亂多染釁科或誠係本朝事緣逼迫混同證錮良以愷然夫天道尚仁德刑竝用雷霆時至雲雨必解朕眷言靜念思弘風澤凡應禁削皆從原蕩其文武堪能隨才銓用

三年正月癸卯曲赦豫州南豫二州二月丙申曲赦

青冀二州

八月癸卯詔曰法網之用期世而行寬惠之道因時而布况朕尚德戡亂依仁馭俗是宜每就弘簡以隆至治而頻罹兵革繇賦未休軍民巧偽興事甚多躡刑入憲諒非一科至乃假名戎伍竊爵私庭因戰散卞託懼逃役且往者淪逼雖經累宥逋竄之黨猶為寔繁宵言永懷良蕪矜疚思所以重播至澤覃被區宇可大赦天下九月庚午曲赦徐兗青冀四州四年正月己未親祠南郊大赦天下三月妖賊攻廣州龍驤將軍陳伯詔討平之五月乙丑曲赦廣州

五年五月躬耕籍田大赦天下賜力田爵一級

六年二月癸丑皇太子納妃甲寅大赦天下巧注

調巧偽注名軍中以免徭役也從軍不在赦例

七年四月辛丑詔減天下死罪一等凡勅繫悉遣之

八月庚寅帝以疾愈大赦天下

後廢帝以泰豫元年四月己亥卽位大赦天下

元徽元年正月戊寅朔改元大赦天下壬寅詔曰夫

緩法昭恩裁風茂典蠲憲伏青訓俗彛義朕臨馭宸

極樞寅制坭寓式存寬簡思孚矜惠今開元肆宥萬

品惟新凡茲遷斥宜均弘洗自元年以前貽罪徙放

者悉聽還本

二年五月江州刺史桂陽王休範舉兵反討平之丁

酉詔京邑二縣埋藏所殺並賊戰亡者復同京城是

日解嚴大赦天下文武賜位一等

十一月帝加元服大赦天下賜民男子爵一級為父

後及三老孝悌力田者爵二級鰥寡孤獨篤癘不能

自存者穀人五斛年八十以上加帛一疋大酺五日

賜王公以下各有差

四年正月己亥躬耕籍田大赦天下賜力田爵一級

貸貧民糧種七月南徐州刺史建平王景素據京師

反乙未克京城斬景素其日解嚴丙申大赦天下封

賞各有差原放京邑縣元年以前逋調

五年六月甲戌誅司徒左長史沈勃等大赦天下臣欽

若等曰勃多寶貨帝往切而誅之事具閏位部暴虐門

順帝昇明元年七月壬辰即位改元大赦天下賜文

武位二等十二月荊州刺史沈攸之等舉兵反司徒

袁粲據石頭尚書令劉秉赴之甲戌大赦天下

二年二月沈攸之平曲赦荊州十一月壬寅立皇后

謝氏滅死罪一等五歲刑以下悉原

南齊太祖建元元年四月甲午受禪南郊禮畢大駕

還宮臨太極前殿詔曰五德更紹帝迹所以代昌三
正迭隆王度所以改耀世有質文時或因革其資元
膺歷經道振民固以異術同揆殊流共貫者矣朕以
寡昧屬值艱季推肆勤之誠籍樂治之數賢能悉心
士民致力用獲拯溺龕略一正天下業未參古功殆
侔昔宋氏以陵夷有微曆數攸及思弘樂推永鑒崇
禋爰集天祿于朕躬惟志菲薄辭弗獲命遂欽從爾
之曆數式昭景命祗受正于文祖升禋于上帝天
以寡德光宅四海纂革代之蹤託王公之上若涉猥
水罔知所濟寶祚初啓洪慶惟新思俾利澤宣被淵

億兆可大赦天下改宋昇明三年爲建元元年賜民
爵二級文武位二等鰥寡孤獨不能自存者人殺五
斛逋租宿債勿復收有犯鄉論清議賊汙盜淫一皆
蕩滌除先注與之更新長徒勅繫之囚特皆原遣亡
官失爵禁錮舊勞一依舊典又詔曰宸運肇創寶命
惟新宜弘慶宥廣敷蠲貸劫賊餘口沒在臺府者悉
原放諸負釁流徙竝聽還本

六月甲申立皇太子見刑入重者降一等竝申前赦
恩百日七月詔曰交趾北景獨隔書朔斯乃前運方
季負海不朝因迷遂往歸款莫繇曲赦交州部內李

叔獻一 撫南土文武詳才選用竝遣大使宣揚
朝恩以試功武平太守行交州府事李叔獻爲交
州刺史

二年正月戊戌朔大赦天下六月癸未詔昔歲水旱
曲赦丹陽二吳義興四郡遭水尤及之縣元年以前
三調未克虛歷已畢官長局吏應供償備外詳所除
宥

三年六月壬子大赦時豫章王嶷發江陵有疾至京
師未瘳帝憂慮爲之大赦

四年二月帝不豫庚辰詔原京師囚繫有差

世祖武帝以建元四年三月壬戌卽位大赦

六月甲申立皇太子長懋詔申癸酉赦恩百日

永明元年正月辛亥祠南郊大赦改元三月丙申詔
曰朕自丁荼毒奄更周忌瞻言負荷若墜淵壑而遠
圖尚蔽政刑未洽星緯失序陰陽愆度思播光澤兼
酬天肯可申辛亥赦恩五十日以期訖爲始京師囚
繫悉皆原宥三署徒優量降遣都邑鰥寡尤貧詳加
賑卹戊寅詔曰方見囚罪無輕重及劫賊餘口長徒
勅繫悉皆原赦六月丙寅詔凡坐事應復治者在建
元四年三月以前皆原

二年八月丙午詔申京師獄及三署見徒量所降宥
三年正月辛卯祠南郊大赦都邑三百里內罪應入
重者降一等餘依勅制劾繫之身降遣有差賧卹二
縣貧民

四年閏正月辛亥躬耕籍田詔曰思俾休和覃茲黔
阜見刑罪殊死以下悉原宥

五年四月殷祀太廟詔繫囚見徒四歲刑以下悉原
遣五年減爲三歲京邑罪身應入量降一等

六年正月壬午詔二百里內獄同集京師荒日聽覽
自此以外委州郡訊察三署徒隸詳所原釋

七年正月辛亥祠南郊大赦京邑貧民普加賑賜

八年七月癸卯詔曰陰陽舛和緯象愆度儲官嬰患
淹歷旬晷思仰祇天戒俯紓民瘼可大赦天下

九年正月辛丑祠南郊詔京師見繫囚詳量原遣
十一年正月癸丑詔京師見繫囚詳所原遣

鬱林王隆昌元年正月丁未改元大赦

海陵王延興元年七月丁酉卽帝位詔曰太祖高皇
帝英謨光大受命作齊世祖武皇帝宏略冠世繼暉
下武世宗文皇帝清明懿鑠四海宅心並德漏下泉
功昭上象聲教所覃無思不洽洪基式固景祚方融

而天步多阻運鍾否剝嗣君昏恐暴戾滋多侮棄天經悖滅人紀朝野重足遐邇側視民怨神祠宗祧如綴賴忠謨肅舉霄漢廓清俾三后之業絕而更紐七百之慶危而復安猥以冲人入纂乾緒載懷馭朽若墜諸淵思與黎元共綏戩福大赦改元文武賜位一等

明帝建武元年十月癸亥即帝位詔曰皇齊受終建極握鏡臨宸神教重輝欽明懿鑠七百攸長盤石斯固而王度中愆天階薦阻嗣命多違潘釁孔棘宏圖景曆將墜諸淵宣德皇后遠鑒崇替憲章舊典疇咨

台揆允定靈策用集寶命命予一人猥以虛薄繼戎大業仰繫鴻丕顧臨億兆永懷先構若履春冰寅憂夕揚罔識攸濟思與萬國播此推新大赦天下改元宿衛者普轉一階其餘文武賜位二等逋租宿債換負官物在建武元年以前悉皆除放劫八餘口在臺府者可悉原放負釁流徙竝還本鄉

二年正月辛未詔京師繫囚殊死可降爲五歲刑三署見徒五歲以下悉原放十月納皇太子妃褚氏大赦

四年正月庚午大赦

永泰元年正月癸未朔大赦逋租宿債在四年之前皆悉原除四月甲寅改元赦三署囚繫原除各有差文武賜位二等

東昏侯永元元年正月改元大赦四月乙巳立皇太子大赦賜民為父後爵一級八月丙辰振州刺史始

安王遙先據東府反曲詔京邑九月壬戌以頴誅大

臣大赦天下臣欽若等曰大臣謂僕射江祐侍中江祀也

二年四月辛酉將軍崔慧景於廣陵舉兵襲京師江

昱王寶玄以京城納之豫州刺史蕭懿斬惠景詔曲

赦京邑南徐兗二州

三年正月辛亥祀南郊大赦天下三月戊子曲赦江

州安城廬陵二郡為蕭穎孚起兵廬陵七月癸巳曲赦荆雍二

州

和帝初封南康王為荊州刺史永元二年十一月南

雍州刺史蕭衍奉王舉義於江陵乃下教曰吾躬率

晉陽翦此凶孽戎事方勤宜覃惠澤所領繫囚見徒

罪無輕重殊死以下皆原遣先有位署即復本職將

吏轉一級從征身有家口停鎮給廩食諸雜役見在

諸軍帶甲之身克定之後悉免為民其功効賞報別

有科條

三年正月乙巳王受宣德太后命為宣王相國大赦
唯榜臣兒茹法珍等不在赦例

中興元年三月即帝位于江陵改元大赦

冊府元龜

淮南李嗣京參閹

西極文翔鳳訂正

豫章黃國琦較釋

閏位部 二十七

恩宥第二

梁高祖初平東昏為大司馬錄尚書事入屯闕武堂
下詔曰皇家不造遭此昏凶禍延動植虐被人鬼社
廟之危蠢焉如綴吾身藉皇宗曲荷先願受任邊疆
推轂萬里眷言瞻烏痛心在目故率其尊主之情厲

其忘生之志雖寶曆重升明命有詔而獨夫醜縱方
煽京邑投袂授戈克弼多難虐政橫流爲日既久同
惡相濟諒非一族仰稟朝命任在專征思播皇澤被
之率土凡厥負釁咸與惟新可大赦天下唯王暉之
等四十一人不在赦例又令曰夫樹以司牧非役物
以養生視民如傷豈肆上以縱虐廢主棄嘗自絕宗
廟窮凶極悖書契未有征賦不一苛酷滋章緹繡土
木菽粟犬馬徵發間左以充繕築流離寒暑繼以疫
瀉轉死溝渠曾莫收恤朽肉枯骸烏鳶厭食加以天
災人禍屢焚宮掖宮府臺寺尺椽無遺悲甚黍離痛

無麥秀遂使億兆離心疆徼侵弱斯民何辜離此塗
炭今明昏違運大道公行思治之氓來蘇茲日猥以
寡薄屬當大寵雖運距中興難同草昧思闡皇休與
之更始凡昏制謬賦滛刑濫役外可詳簡前源悉皆
除蕩其主守散失諸所損耗精立科條咸從原例及
爲梁王又下令曰孤以虛昧任執國鈞雖宿夜勤止
念在興治而有德振民邈然尚遠聖朝永言舊式隆
此眷命侯伯盛典方軌首烈嘉錫隆被禮數昭崇徒
守愿節終隔體諒羣后百司重茲敷獎勉斯厚顏當
此休祚望昆彭以長想欽桓文而歎息思弘政塗莫

知津濟邦甸初啓藩宇惟新恩覃嘉慶被之下國國
內殊死以下今月十五日昧爽以前一皆原放鰥寡
孤獨不能自存者賜穀五斛府州所統亦同蠲蕩
天監元年四月丙寅卽皇帝位于南郊禮畢備法駕
卽建康宮臨太極殿前詔曰五精迺襲皇王所以受
命四海樂推殷周所以改物雖禪代相升邁會異時
而徵明迭用其流遠矣莫不振民育德光被黎元朕
以寡闇命不先後寧濟之功屬當期運乘此時來回
心萬物遂振厥施維天造區夏永言前蹤義均慙德
蕭氏以代終有徵曆數云改欽若前載集大命于朕

躬顧惟菲德辭不獲命寅甲上靈用膺景業執禮崇
之禮當與能之祚繼述百工君臨四海若涉大川罔
知攸濟洪基初兆萬品權輿思俾慶澤覃被率土可
大赦天下改齊中興二年爲天監元年賜民爵一級
文武位二等深寡孤獨不能自存者人穀五斛逋布
口錢宿債勿復收其有犯鄉論清議贓汙淫盜一皆
蕩滌洗除前注與之更始又詔曰大運肇升加慶惟
始劫賊餘口沒在臺府者悉可蠲放諸流徙之家並
聽還本鄉

二年五月乙丑益州刺史鄧元起剋成都曲赦益州

三年六月癸未大赦天下

四年正月辛亥新祠南郊赦天下二月壬辰交州刺

史李凱據州反長史李旻討平之曲赦交州

五年十一月乙丑以師出淹時大赦天下

六年八月戊子赦天下

七年四月乙卯皇太子納妃赦大辟以下頒賜朝臣

及近侍各有差八月丁巳赦大辟以下未結正者

八年正月辛巳親祠南郊赦天下内外文武各賜勞

一年

十年正月辛丑親祠南郊大赦天下居局滄事賜勞

十一年三月丁巳曲赦揚州徐州

十二年正月辛卯親祠南郊赦大辟以下

十三年二月丁亥親畊籍田赦天下孝弟力田賜爵

一級

十四年正月乙巳朔皇太子冠赦天下賜為父後者

爵一級

十五年九月壬辰赦天下十一月丁卯交州刺史李

旻斬交州反者阮宗孝傳首京師曲赦交州

十七年二月甲辰大赦天下

十八年四月丁巳大赦天下

普通元年正月乙亥朔改元大赦天下賜文武勞位
孝弟力田爵一級尤貧之家勿收嘗調鰥寡孤獨並
加贍卹

二年正月辛巳親祠南郊戊子大赦天下

三年三月壬辰朔日有食之既癸巳赦天下四方民
所疾苦咸卽以聞

四年正月辛卯親祠南郊大赦天下經諸窮病咸加
賑卹

六年正月辛亥親祠南郊大赦天下三月丙午

見南斗賜親附民長復除註誤罪失一無靡問七月

壬戌大赦天下

七年正月辛丑朔赦殊死以下十一月庚辰大赦天

下

大通元年正月辛未親祠南郊詔曰欽奉時事虔薦

蒼璧思承天德惠此下民凡因事去土流移他境者

並聽復宅業蠲役五年尤貧之家勿收三調孝弟力

田賜爵一級三月己未幸同泰寺甲戌還宮赦天下

改元

中大通元年正月辛酉親祠南郊大赦天下孝弟力

田賜爵二級六月壬午大赦天下九月癸巳幸大同

寺設四部無遮大會十月巳酉還宮大赦改元

三年正月辛巳親祠南郊大赦天下孝弟力田賜爵

一級十月乙亥立晉安王綱為皇太子大赦天下賜

為父後者及出處忠孝文武清勤並賜爵一級

五年正月辛卯親祠南郊赦天下孝弟力田賜爵一

級

六年二月癸亥親耕籍田大赦天下孝弟力田賜爵

一級

大同元年正月戊申朔改元大赦

三年正月辛丑親祠南郊大赦天下孝弟力田

爵

一級八月辛卯幸阿育王寺赦天下

四年七月癸亥詔以東治徒李喬之家降如來形舍

利大赦八月甲辰詔南兗北徐東徐青冀南北青武

仁潼睢等十三州既經饑饉曲赦逋租宿債勿收今

年二調

六年正月庚戌朔曲赦司豫徐兗四州八月戊午赦

天下十一月巳卯曲赦京邑

七年正月辛巳親祠南郊赦天下其有流移及失桑

梓者各還田宅蠲課五年十一月丁丑詔曰民之多

幸國之不幸恩澤屢加彌長姦盜朕亦知此之為病

矣如不優弘非仁人之心凡厥讐讐逋負起令

七年十一月九日昧爽以前在民間無問多少言上

尚書督所未入者皆赦除之

十年九月己丑詔曰今茲遠近雨澤調適其穰已及

冀必萬箱宜使百姓因斯安樂凡天下罪無輕重已

發覺未發覺討捕未禽者皆赦宥之侵剽耗散官物

無問多少亦悉原除田者荒廢水旱不作無當時交

列應追稅者并作田不登公格並停各備臺州以文

最逋殿罪悉從原

中大同元年三月乙巳大赦天下凡主守割盜放散

官物及以軍糧器甲凡是赦所不原者起大同十一

年正月以前皆悉從恩十一年正月以後悉原加責

其或爲事逃叛流移因饑亡鄉失土可聽復業蠲課

五年停其徭役其被拘之身各還本部舊業若在皆

悉還之四月丙戌於同泰寺講解設會大赦改元孝

弟力田爲父後者賜爵一級

太清元年正月辛酉親祠南郊詔曰天行彌綸覆幬

之功溥乾道變化資始之德成朕沐浴齋宮虔恭上

帝祇承禋燎高燦太一大禮克遂感慶蕪懷思與億

兆同其福惠可大赦天下尤窮者無出卽年租調清

議禁錮並皆宥釋所討逋叛巧籍隱年闔丁匿口開恩百日各令自守不問往罪流移他鄉聽復宅業蠲課五年孝弟力田賜爵一級居局治事賞勞三年三月庚子幸同泰寺設無遮大會四月丁亥還宮大赦天下改元孝弟力田爲父後者賜爵一級

二年五月辛亥曲赦交愛德三州八月甲辰邵陵王綸督衆軍討侯景曲赦南豫州

簡文帝大寶元年正月辛亥朔詔曰蓋天下者至公之神器在昔三五不獲已而臨蒞之故帝王之功聖人之餘事軒冕之華儻來之一物太祖文皇帝舍光

大之量啓西伯之基高祖武皇帝道洽二儀知周萬物屬齊季薦瘞彛倫剥喪同氣離不測之禍元首懷無厭之欲乃啓樂推之運因億兆之心拯彼摧角雪茲讐耻大慈之業普薰汾陽之詔屢下于茲四紀無得而稱朕以寡昧哀災孔棘生靈已盡志不圖全龜勉視陰企承鴻緒王道未直天步猶艱式憑宰輔以弘庶政履端建號抑維舊章可大赦天下改大清四年爲大寶元年

孝元帝初爲淵東王大寶三年在江陵猶稱太清六年五月令曰君子赦過著在周禮聖人解網聞之湯

令自獫狁孔熾長蛇薦食赤縣陪危黔黎塗炭終宵不寐志在雪耻元惡稽誅本屬侯景王偉是其心膂周右珍棄背恩義今並烹諸鼎鑊肆之帝朝但此寇擾爲歲已積衣寇舊貴被逼偷生猛士勲豪和光苟免凡諸惡侶諒非一族今特聞以王澤削其刑書自太清六年五月二十日昧爽以前咸使維新

承聖元年十一月丙午卽皇帝位於江陵詔曰夫樹之以君司牧黔首帝堯之心豈貴黃屋誠弗獲已而臨蒞之朕皇祖太祖文皇帝積德岐梁化行江漢道映在田具瞻斯屬皇考高祖武皇帝明並日月功格

區宇應天從人惟膺作聖太宗簡文皇帝地侔啓謫方符文景羯寇憑凌時難孔棘朕大拯橫流尅復宗社羣公卿士百辟庶僚咸以皇靈眷命歸運斯及天命不可以久淹宸極不可以久曠粵若前載憲章令範畏天之威纂隆寶曆用集神器于予一人昔虞夏商周年無嘉號漢魏晉宋因循以久朕雖云撥亂自非創業思得上繫宗祧下惠億兆可改太清六年爲承聖元年通租宿債並許弘貸孝子從孫可悉賜爵臣欽若等曰梁武帝長徒鑠士特加原宥禁錮奪勞父名順之故曰從孫一皆曠蕩

敬帝紹泰元年九月丙午即帝位十月己巳詔曰王室不造嬰罹禍釁西都失守朝廷淪覆先帝梓宮播越非所王基傾弛率土罔戴朕以荒幼仍屬艱難泣血枕戈志復讎逆大耻未雪夙宵鯁憤羣公卿尹勉以大義越登寡闇嗣奉洪業顧惟夙心念不至此庶仰憑先靈傍資將相尅清元惡謝冤陵寢令墜命載新宗祊更祀慶流億兆豈予一人可改承聖四年爲紹泰元年大赦天下内外文武賜位一等

太平元年正月戊寅以南豫州刺史任約譙秦二州刺史徐嗣徽舉兵反討平之大赦天下其與任約徐嗣徽才契同謀一無所問癸未以震州刺史杜龕降曲赦吳興郡罷震州一月丙辰以東揚州刺史張彪叛斬首傳京師曲赦東揚州六月乙卯司空陳霸先大破齊軍大赦天下軍士身殞戰場悉遣欵祭其無家屬卽爲瘞埋

二年四月癸酉以廣州刺史蕭勃反平之曲赦江廣衡三州并督内爲賊所拘逼者並皆不問陳高祖永定元年十月受梁禪即皇帝位於南郊柴燔禮畢還宮臨太極前殿詔曰五德更運帝王所以御天三正相因夏殷所以宰世雖色分駢翰時異文

質揖讓征伐迄用參差而育德振民義與一揆朕以寡昧時屬艱危國步屢屯夫惟三紀肆勤先后極厥橫流籍將帥之功兼猛士之力一正天下再造黔黎梁氏以天祿永終曆數攸在遵與能之典集大命于菲德辭不獲亮式從天睠俯協民心受終文祖升禋上帝繼統百王君臨萬宇若涉淵水罔知攸濟實業初建皇祚惟新恩俾惠澤覃被億兆可大赦天下改梁太平二年為永定元年賜民爵一級文武二等鰥寡孤獨不能自存者人穀五斛逋租宿債皆勿復收其有犯鄉里清議誑污淫盜者皆洗除寃溼與之更

始長徒勅繫特皆原之亡官失爵禁錮奪勞一依舊

典

二年正月辛丑親祠南郊詔曰朕受命君臨初移星館孟陬嘉月備禮泰壇景候韶華人祗左慶思令億兆咸與維新且往代祇氛于今猶梗軍機未息徵賦咸繁事不獲已久知下弊言念黔黎無忘寢食夫罪無輕重已發覺未發覺在今昧爽以前皆赦除之西寇自王琳以下並許還迷一無所問也臣欽若等曰琳本梁之時陳高祖既立敬帝琳奉永嘉王蒞纂梁祚於湘中莊以琳為丞相錄尚書事故云西寇近所募義軍本擬西寇並相解遣留家附業輓訂軍資未送

者並停元年軍糧逋餘者原其半州郡縣軍戍並不
得輒遣使民間務存優養若有侵擾嚴為法制

世祖文帝以永定三年六月丙午即位於大極前殿
詔曰上天降禍奄集邦家大行皇帝背離萬國率土
擁心若喪考妣龍圖寶曆眇屬朕躬運鐘擾攘事功
機務南面須至西讓禮輕今便式膺景命光宅四海
可大赦天下罪無輕重悉皆蕩滌逋租宿債吏民僦
負可勿復收文武內外量加爵叙孝弟力田為父後
若賜爵一級其有犯鄉里清議賊污淫盜者皆洗除
先注與之更始長徒勅繫特皆原之亡宦失爵禁錮

奪勞一依舊典

天嘉元年正月癸丑詔曰朕以寡昧嗣纂洪業哀憚
在疚治道弗昭仰惟前德幽顯遐暢恭已不言庶幾
無改雖宏圖懋軌日月方弘而清廟廓然聖靈浸遠
敢尋永往瞻言罔極今四象運周三元造獻華夷胥
洎玉帛駿奔思覃遺澤播之億兆其大赦天下改永
定四年為天嘉元年鰥寡孤獨不能自存者賜穀人
五斛孝弟力田殊行異等加爵一級三月戊戌詔曰
夫五運遞來三靈眷命皇王因之改創殷周所以樂
推朕統曆承基丕隆鼎運期理攸屬數祚斯在豈僥

倖所至寧卜祝可求故神器之重必在荷命是以逐鹿貽譏斷蛇定業亂臣賊子異世同尤王琳識暗挈瓶智慙衛足千紀亂嘗自貽顛沛而縉紳君子多被繫維雖涇渭合流蘭鮑同肆求之厥理或有脇從今九戩既設八紘斯掩天網恢恢吞舟是漏至如伏波遊說永作漢藩廷壽脫歸終於魏守器改秦虞材通晉楚行歲用捨亦豈有嘗直加寬仁以彰奮作其衣冠士族預在凶黨悉皆原宥將帥戰兵亦同肆青並隨才銓引庶收力用六月辛丑以國哀周惠臨于太極前殿百僚陪哭赦京師殊死以下

二年正月庚戌大赦天下三月庚寅以湘州城至

亮降曲赦湘州諸郡

三年閏巳卯甲申大赦天下四月癸卯曲赦東陽郡
四年九月癸亥曲赦京師十二月丙申大赦天下
五年七月丁丑詔曰朕以寡昧屬當負重星齋亟改冕旒弗曠不能仰叶璿衡用調玉燭傍慰蒼生以安黔首兵無寧歲民乏有年移風之道未弘習俗之患猶在致令民多觸網吏繁筆削獄犴滋彰雖繇物犯囹圄淹滯亦或有寃念俾納隍載勞負辰加以膚媵不適攝衛有虧比徵獲痊思覃寬惠可曲赦京師十

二月甲子曲赦建安晉安二郡

六年十二月癸亥詔曰朕自居民牧之上託在王公之上顧其寡昧鬱于治道加以屢虧聽覽事多壅積寃滯靡申幽枉弗鑒念茲罪隸有甚納隍而惠澤未流愆陽累月今歲序云暮元正向肇欲使幽圉之內同被時和曲赦京師

大康元年二月丙子詔曰朕以寡德纂承洪緒日晏劬勞思弘景業而政道多昧黎庶未康兼疾患淹時亢陽累月百姓何咎是繇朕躬念茲在茲痛如疾首可大赦天下改天嘉七年爲天康元年

廢帝以天康元年四月癸酉卽位於太極前殿詔曰上天降禍大行皇帝奄棄萬國板號靡及五內推殞朕以寡德嗣膺寶命煢煢在疚懼甚綴旒方賴宰輔救其不逮可大赦天下詔内外文武各復其職遠方悉停奔越

光大元年正月乙亥詔曰昔昊天成命降集寶圖二君重光九區咸乂閔余冲眇王道未昭荷茲神器如涉靈海庶親賢竝建牧伯惟良天下雍熙緬回刑措今三元改曆萬國充庭清廟無追具僚斯在瞻事宁位觸感摧心思播遺思俾覃黎獻可大赦天下改天

康二年為光大元年孝弟力田賜爵一級十月辛巳
赦湘巴二郡為華皎所誣誤者

臣欽若等曰皎為相州刺史送子玄饗質

千後梁請兵伐陳為陳所敗乃奔于梁

宣帝太建元年正月甲午即位詔曰夫聖人受命王者中興並繇懿德方作元后高祖武皇帝揖拜堯圖經繪禹跡配天之業光辰象而利貞格地之功侔川岳而長遠世祖文皇帝體上聖之姿當下武之運築宮示儉所務唯德定鼎初基厥謀斯在朕以寡薄才非聖賢夙荷前規方傳景祚雖復親承訓誨志守藩維詠季子之高風思陽城之遠託自元儲紹國正位

君臨無導非幾佇聞刑措豈圖五室不造頻構亂階天步艱難將傾寶曆仰惟嘉命爰集朕躬我心貞確空誓蒼昊而羣辟啓請相諠渭橋文母尊嚴懸心長樂對揚璽綬非止殷湯之三辭履步春水何但代王之五讓今便肅奉天策欽承介圭若據滄溟愈增兢業思所以雲行雨施品物咸亨當與黔黎普同斯慶可改光大三年為太建元年大赦天下在位文武賜位一階孝弟力田及為父後者賜爵一級異等殊才並加策序鰥寡孤獨不能自存者仍賜穀五斛三年三月丙午以新除左衛將軍歐陽紇據廣州反

儀同章昭達討平之曲赦廣衛二州丁未大赦天下
三年三月丁丑大赦天下自天康元年訖太建元年
逋餘軍糧祿秩有調未入者悉原之又詔犯逆子弟
及屬逃亡異境者悉聽歸有繫繫者諒可散釋其有
居宅並追還

四年九月庚子朔日有食之辛亥大赦天下

六年正月壬戌朔詔曰王者以四海爲家萬姓爲子
一物乖方夕惕猶厲六合未混盱食彌憂朕嗣纂鴻
基思弘經畧上符景宿下叶人謀命將興師大極淪
溺灰垢未周凱捷相繼拓地數千連城將百蠢彼餘

黎毒茲異境江淮年少猶有剽掠鄉閭無賴適出陰
私將帥軍人罔顧刑典使符法蠲除仁聲載路且肇
元告慶邊服來荒始覩皇風宜覃曲澤可赦江右淮
北南司定霍光建朔合豫北徐仁北兗青冀南譙南
兗十三州郢洲之齊安西陽江洲之齊昌新蔡嵩唐
南豫洲歷陽臨江郡士民罪無輕重悉皆原宥將帥
職司軍人犯法自依當科
十年三月乙酉大赦天下
十一年十一月辛卯詔曰盡寇弗犯革此澆風孳戮
是蹈化于薄俗朕肅膺寶命迄將一紀思經邦濟治

憂國愛民日昃勞夜分輟寢而還淳返樸其道靡
階雍熙盛美莫云能致遂乃鞠訊之牒盈于聽覽春
鈇之人煩于牢狴周成刑措漢文斷獄杼軸空勞邈
然既遠加以蕞爾醜徒軼我彭汴淮汝氓庶企踵王
畧治兵誓旅義存拯救飛芻輓粟征賦頗煩暑雨祁
寒寧忘恣怨兼宿度支舛次舍違方若日之誠責歸
元首愧心斯積馭朽非懼卽建子令月微陽初動應
此嘉辰宜播嘉澤可大赦天下

後主以大建十四年正月丁巳卽帝位于太極前殿
詔曰上天降禍大行皇帝奄棄萬國攀號擗踊無所
逮以朕以哀哭調膺寶曆若涉巨川罔知攸濟方賴
羣公用禪寡薄恩播遺德單被億兆凡厥遐邇咸與
維新可大赦天下在位文武及孝弟力田爲父後者
並賜爵一級孤老鰥寡不能自存者賜穀人五斛帛
二疋七月辛未大赦天下

九月丙午設無遮大會於太極殿捨身及乘輿御服
大赦天下
至德九年正月壬寅詔曰朕以寡薄嗣守鴻基哀惓
切慮疾恙纏織訓俗少方臨下靡竿懼甚踐水慄同
馭朽而四氣易流三九遄至綬纓引陛王帛充庭具

物匪新節序疑舊緬思前德永慕昔辰對軒闥而哽
心顧宸筵而咽氣思所以仰遵遺構俯勵薄躬陶鑄
九流休息百姓用弘寬簡取叶陽和可大赦天下改
大建十五年爲至德元年

二年正月癸巳大赦天下十一月丙寅大赦天下

三年十一月辛巳幸長干寺大赦天下

四年十一月己卯詔曰惟刑止暴惟德成物三才是
資百王不改而世無拉角時解犯鱗滑橋驚馬弗聞
廷爭桃林逸牛未見其旨雖剝悍輕侮理從鉗鈇蠢
愚挂點宜肆含弘政乏良哉明慙則哲求諸解網安

可得乎是用屬寤寐以軫懷召只黼辰而於邑復茲合
璧輪缺連珠運舛黃鍾獻呂和氣始萌玄英告中履
長在御因時宥過抑乃斯得可大赦天下

禎明元年正月戊寅詔曰栢皇大庭鼓滴和于曩日
姬王羸后被澆風於末載刑書已鑄善化匪融禮義
既生姦宄斯作何其淳樸不反浮華競扇者與朕居
中御物納隍在睠恢恢天網屢絕三邊元元黔庶終
罹五辟蓋乃康哉寡薄抑焉法令滋彰是用當宁弗
怡矜此向隅之意今三元其序萬國朝晨靈芝獻于
始陽膏露凝于韋歲從春施令仰乾布德思與九有

惟新七政可大赦天下改至德五年為禎明元年九月甲午以江陵蕭瑀所置安平王蕭巖降大赦天下梁末帝禎明六年四月己亥詔曰應天下見禁罪人犯大辟合抵極刑者宜示好生特令減死除准格律嘗赦不原外徒流以下遞減一等左降官未經量移者與量移已量移者更與復資

冊府元龜

冊府元龜

淮南李嗣京奏闕
西極文翔鳳訂正
豫章黃國琦較釋

閏位部

念功寬恕宥過悔過

欽恤

明慎之文見之於義易欽恤之戒著之於虞書故君子之所以盡心者蓋刑之謂矣昔劉氏閏位宅彼江介惟梁暨陳維守其國乃有勵精政治軫念黎庶下

寬大之詔開疏闊之網革去苛法逮用中典雖未臻夫至化亦可見其休德者焉

宋高祖永初二年六月壬寅詔曰杖罰雖有舊科然職務殷碎推坐相尋若皆有其實則體所不堪文行而已又非設罰之意可籌量粗為中否之格

十月丁酉詔曰兵刑峻重務在得宜役身死叛輒考傍親流遷彌廣未見其極遂令冠帶之倫淪陷非所宜革以弘泰去其密科自今犯罪克軍合舉戶從役者便付營押領其科戶絕及謫止一身者一不得復侵濫服親以相連染

少帝即位初詔曰平理獄訟政道所先朕哀荒在疚未堪親覽司空尚書令可率眾官月二決獄

孝武帝大明三年八月甲子詔曰昔姬道方凝刑罰斯厝漢德初明犴圜用簡良繇上一其道下淳其性今民澆俗漸誠淺偽浮重以寡德弗能心化故知方者妙趣辟寔繁向因巡覽見二尚方徒隸纓金履較既有矜復加以國慶民和獨隔凱澤益以慙焉可許所原宥

九月己巳詔曰夫五辟三刺自古所難巧法深文在季彌甚故公情察訟魯師致捷市獄勿擾漢史飛聲

廷尉遠邇疑讞平決攸歸而一蹈幽圜動逾時歲民
嬰其困吏容其私自今囚至辭具竝卽以開朕當悉
詳斷庶無留獄若繁文滯刻證逮遐廣必須親察以
盡情狀自後依舊聽訟

五年十一月詔曰王畿內奉京師外表衆夏民殷務
廣宜思簡惠可遣尚書就加詳簡竝與縣宰平治庶
獄其有凝滯具以狀聞

南齊武帝永明二年四月詔揚南兗二州統內諸獄
荆豫江三州府見囚江州潯陽新蔡兩郡繫獄竝郡
送還臺須俟克日斷在直緣江遠郡及諸州委刺史

詳察訊鞠

明帝建武二年四月己亥朔詔三百里內獄訟同集
京師克日聽覽此外委州訊察三署徒隸原遣有差
梁高祖天監二年正月甲寅朔詔曰三訊五聽者自
聖典哀矜折獄義重前誥蓋所以明慎用刑深戒疑
枉成功致治罔不繇茲自昔藩部嘗躬訊錄求理得
情洪細必盡未運弛網斯政又闕牢并沉壅申析靡
從朕屬當期運君臨億兆雖復齋居宣室留心聽斷
而九牧遐荒無因臨覽深懼懷寃就鞠匪唯一方可
申勅諸司月一臨訊傳詢擇善務在確實

五年四月甲寅詔曰朕昧且齋居惟刑之恤三辟五
 聽寢與載懷故陳肺石於都街增官司於詔獄殷勤
 親覽小大以情而明慎未洽囹圄尚壅永言納隍在
 予興愧凡犴獄之所可遣法官近侍遮錄囚徒如有
 枉滯以時奏聞
 十六年正月詔班下四方諸州郡縣時理獄訟勿使
 冤滯竝若親覽

陳文帝天嘉元年十二月詔曰古者春夏二氣不決
 重罪益以陽和布澤天秩是弘寬網省刑義符含育
 前王所以則天象地懸法垂訓者也朕屬當澆季思

求民瘼哀矜惻隱念甚納隍欲遵舊軌用長風化自
 今孟春訖于夏首罪人伏辟事已疑者宐且申停
 後主禎明二年十一月丁卯詔曰夫議獄緩刑皇王
 之所番範勝殘去殺仁人之所同心自畫冠旣息刻
 吏斯起法令滋彰手足無措朕君臨區宇屬當澆未
 輕重之典在政未康小大之情與言多媿眷茲狴犴
 有軫哀矜可克日於大政殿訊獄

念功

非賢罔治實著於昌言惟帝念功式敷於光宅君臣
 之際今古共然自皇階未夷世道多梗合離之期有

數雄俊之才遂興雖識緯之符未參於命歷然經綸之業咸闡於茂勳觀其感召風雲招延心膂爪牙之用苟有補於當時帶礪之盟乃仰同於前典至於顧待終始感槩存亡必舊人而是圖雖小忿而無廢豈唯忠諒之節類王臣而匪躬抑亦沮勸之方俾懦夫而增氣

蜀向朗字巨達領丞相諸葛亮長史後免官歸成都數年為光祿勳亮卒後徙左將軍後主追論舊功封顯明亭侯位特進

吳周瑜字公瑾兄子峻亦以瑜元功為偏將軍領吏士千人峻卒全琮表峻子護為將大帝曰昔走曹操拓有荊州皆是公瑾嘗不忘之初聞峻亡仍欲用護聞護性行危險用之適為作禍故便止之孤念公瑾豈有已乎

周裔瑜之子封都鄉侯後以罪徙廬陵郡赤烏二年諸葛瑾步騭連名上疏曰故將軍周瑜子裔昔蒙粉飾受封為將不能養之以福思立功效以至縱情欲招速罪辟臣竊以瑜昔見寵任入作心膂出為爪牙御命出征身當矢石盡節用命視死如歸故能摧曹操於烏林走曹仁於郢都揚國威德華夏是震蠢爾

蠻荆莫不賓服雖周之方叔漢之信布誠無以尚也夫折衝扞難之臣自古帝王莫不貴重故漢高帝封爵之誓曰使黃河如帶太山如礪國以永存爰及苗裔申以丹書重以盟詛藏于宗廟傳於無窮欲使功臣之後世世相踵非徒子孫乃闕苗裔報德明功勤懇懇如此之念欲勸戒後人用命之臣歟而無悔也况於瑜身沒而未久而其子降為匹夫益可悼傷竊惟陛下欽明稽古隆於典繼為裔歸訢乞匄餘罪還兵復爵使失旦之鷄復得一鳴抱罪之臣展其後效大帝答曰腹心舊勳與孤協事公瑾有之誠所不

忘昔裔年少初無功勞橫受精兵爵以侯將蓋念公瑾以及於裔也而裔恃此醜淫自恣前後告諭會無悛改孤於公瑾義猶二君樂裔成就豈有已哉迫裔非惡未宐便還且欲苦之使自知之今二君勤勤援引漢高河山之誓孤用恧然雖得非其疇猶欲庶幾事亦如爾故未順旨以公瑾之子而二君在中間苟使得改亦何患乎瑾騰表北上朱然及全琮亦俱陳乞大帝乃許之

潘章為右將軍性奢泰數不奉法監司舉奏大帝惜其功而輒原不問喜禾三年卒子平以無行徙會稽

璋妻居建業賜田宅復客五十家
顧譚代祖父雍平尚書事後有司奏譚誣罔大不敬
罪應大辟大帝以雍故不致法皆徙之

宋檀韶初以佐命功爲江州刺史嗜酒貪橫所蒞無
績高祖嘉其合門從義弟道濟又有大功旣免官故
特見寵授加邑至千五百戶
傅亮少帝景帝二年率行臺至江陵奉迎文帝後帝
將誅亮至廣莫門帝遣中書舍人以詔書示亮竝謂
日以公江陵之誠當使諸子無恙
謝靈運爲臨川內史在郡遊放司徒遣使隨州錄事

鄭望生收之靈運執望生與兵叛逸廷尉論正斬刑
文帝愛其才欲免官而已彭城王義康堅執謂不宥
恕乃詔曰靈運罪釁累仍誠合盡法但謝玄勳參微
管宐宥及後嗣可降死一等徙付廣州

張茂度爲益州刺史時文帝討荊州刺史謝晦詔益
州遣軍襲江陵晦已平而軍始至白帝茂度與晦素
善議者疑其出軍遲留時茂度弟邵爲湘州刺史起
兵應大駕帝以邵誠節故不加罪被代還京師累遷
太嘗以脚疾出爲義興太守從容謂曰勿以西蜀介
懷對曰臣不遭陛下之明墓木拱矣

劉康祖襲父虔之封轉負外散騎嘗侍以浮蕩蒲酒
爲事前後屢被劾文帝以勳臣子每原貸之
王華爲護軍侍中卒年四十三追贈散騎嘗侍衛將
軍元嘉九年文帝思誅徐羨之功追封新建縣侯食
邑千戶謚曰宜侯
王曇首爲侍中元嘉七年卒九年文帝以豫誅徐羨
之等謀追封豫寧縣侯邑千戶謚曰文侯

南齊王敬則爲南兖州刺史進號安北將軍魏人侵
淮泗敬則恐委鎮還都百姓皆驚散奔走太祖以其
功臣不問以爲都官尚書撫軍又進號征東將軍宋
廣州刺史王昱之子妾路氏酷暴殺婢昱之子法郎
告敬則敬則付山陰獄殺之路氏家証爲有司所奏
山陰令劉霭坐棄市刑敬則入朝太祖謂敬則曰人
命至重是誰下意殺之何不啓聞敬則曰是臣愚意
臣知何物科法見背後有節便言應得殺人劉岱亦
引罪太祖乃赦之敬則免官以公領郡
梁曹景宗爲平西將軍郢州刺史魏軍攻司州圍刺
史蔡道恭城中負版而汲景宗望門不出但輝軍遊
獵而已及司州城陷爲御史中丞任昉所奏高祖以
功寢而不治徵爲護軍將軍旣至復拜散騎嘗侍右

衛將軍

北齊薛循義高祖時爲齊州刺史以黷貨除名追其
前守晉州功復其官爵

慕容紹宗爲開府累有戰功卒贈太尉尚書令後其
長子士肅爲散騎嘗侍尋以謀反伏誅文襄以紹宗
之故罪止肅身

高慎爲豫州刺史遂據武牢降西魏慎先入關周文
帝率衆東出高祖破之於却山慎妻子將西度於路
盡擒之高祖以其勲家啓慎一房配沒而已

庫狄干從神武起兵破四胡於韓陵封廣平縣公尋

進郡公河陰之役諸將大捷唯干兵退神武以其舊
功竟不責黜尋轉太子太傅

晉華溫琪仕梁爲晉州節度使溫琪在任違法籍民
家財入已其家訟于朝制使劾之伏罪未帝以先朝
草昧之臣不忍加法左拾遺李愚堅案其罪帝詔曰
朕若不與鞠寃謂予不念赤子若遂行與憲謂予不
念功臣爲子君者不亦難乎其華溫琪所受賊宐官
給代還所訟之家

寬恕

史臣稱漢祖寬明而仁恕又聖人之言曰寬則得衆

是知有國之君受天之命何嘗不收覽群心開創王業而况閔位之主書軌不同勅敵牙其爭伐豪傑得以願望儻非體巨浸之納汚同山藪之藏疾則何以立彼宗祏傳之子孫故有奔亡陵國待妻子以如初交關外域宥昆弟而勿坐至於念世祿重時名慰羈孤之心安反側之意屈彼彛憲從於輕典或不奪其爵上或復實於官裳本乎原情繇之得衆雖刑故無小或失爲邦之訓而御下以寬亦見君人之度矣

蜀先主時黃權爲鎮北將軍督江北軍以防魏師先主自江南及吳將軍陸議乘流斷圍南軍敗績先主引退而道隔絕權不得還故率將所領降魏有司執法白收權妻子先主曰孤負黃權權不負孤待之如初

吳大帝嘉禾六年丞相顧雍奏在宮奔喪自從大辟其後吳令孟宗喪母奔赴已而自拘於武昌以聽刑陸遜陳其素行因爲之請帝乃減宗一等後不得以爲比因此遂絕

宋少帝時王玄謨爲謝晦荊州南蠻行叅軍武昌太守晦敗以非大帥見原徐湛之爲丹陽尹范曄等謀逆湛之始與之同後發

其事所陳多不盡爲擘等疑辭所連乃詣廷尉歸罪
帝慰遣令還郡湛之上表曰賊臣范擘孔熙先等連
結謀逆與法靜凡宣分往還與大將軍臣義康共相
唇齒備於鞠對伏尋仲承祖始達熙先等意便極言
姦狀而臣兒女近情不識大體上聞之初不務指斥
紙翰所載猶復漫略者實以凶計旣表逆事歸露又
仰緣聖慈不欲窮盡故言勢依違未敢縷陳情旨無
隱以昭天監及群凶收擒各有所列擘等口辭多見
誣謗丞相醜言紛紜特甚乃云臣與義康宿有密契
在省之言期以爲定潛通奸意報示天文未云熙先

懸指必同以誑於擘或以智勇見稱或以愚懦爲目
旣美其信懷可覆駭其動止必啓凡諸詭矣還自違
伐多舉事端不究原統齋傳之信無有主名所徵之
人又已灰沒首尾乖舛自爲矛盾卽臣誘引之辭以
爲始謀之證御臣糾告竝見怨咎縱肆狂言必規禍
階伏自探省亦復有繇昔義康南出之始勅臣入相
伏慰晨夕覲對經踰旬日逆圖成謀雖無顯然懟容
異意頗形言旨遣臣利刃期以際會臣苦相諫譬浮
加距塞以爲怨憤所至不足爲慮便以闕啓懼成虛
妄思量反覆實經愚心非爲納受曲相蔽匿又令申

情范曄釋中間之憾致懷蕭思話恨婚意未申謂此
僥倖亦不宜達陛下敦惜天倫彰於四海藩禁優簡
親理咸通又昔蒙眷顧不容自絕音翰信命時相往
來或言少意多旨深文淺辭色之間往往難測臣每
懼異聞皆略而不答惟心無邪悖故不稍以自嫌縷
縷并誠實具如此故至於法靜所傳及熙先等謀知
實不早見闕之日便卽以聞雖晨光幽燭曲昭窮款
裁以正義無所逃刑束骸北闕請罪司寇乾施舍宥
未加治考中旨頻降制使還在仰荷恩私哀惶失守
臣殃積罪深丁罹酷罰久應屏棄永謝人理况姦謀

所染忠孝頓闕智防愚淺闕於禍萌士人未明其心
群庶謂之同惡朝野側目衆議沸騰專信讐隙之徒
不復稍相申體臣雖駑下情非木石豈不知醜點難
嬰伏劍爲易而覩然視息忍此餘生實非苟妄微命
假延漏刻誠以負戾灰滅貽惡方來貪及規息少自
披誣冀幽誠并欵儻或昭然雖復身膏草木九泉無
恨顯居官次垢穢朝班厚顏何地可以自處乞蒙墮
放伏待鉄鑕優詔不許

孔靈符爲會稽太守加豫章王撫軍長史靈符家本
豐富產業甚廣又於永興立墅周迴三十三里水陸

地二百六十五頃合帶二山又有果園九處爲有司所糾詔原之

王僧達爲太子舍人坐屬疾而於楊烈橋觀鬪鴨爲有司所糾原不問

謝靈運爲侍中自以名輩應參時政被徵召便以此自許既至太祖唯接以文義而王曇首等名位素不之踰竝見任遇靈運意不平多稱疾不朝直出郭遊行經旬不歸既無表聞又不請惡帝不欲傷大臣諷旨令自解靈運乃上表陳疾賜假東歸

孝武帝時孔覲爲御史中丞鞭令史爲有司所糾原

不問

南齊太祖時卞彬初仕宋爲員外郎齊臺初建彬曰誰謂宋員外予望之大祖聞之不加罪也

王玄邈仕宋爲青州刺史太祖鎮淮陰玄邈啓宋明帝稱太祖有異謀太祖不恨也昇明中太祖引爲驃騎司馬玄邈甚懼太祖待之如初

謝朓爲宋侍中太祖受禪日朓當解璽朓陽不知日有何公事傳詔曰解璽授齊王朓曰齊自應有侍中乃枕臂傳詔懼乃使稱疾朓曰我無疾何所道遂朝服出東掖門乃得車還宅是日遂以王儉爲侍中解

重旣而武帝請誅肫太祖曰殺之則成其名正應容之度外

武帝時張敞兒坐遣使與蠻中交關伏誅弟恭兒官至負外即在襄陽聞敞兒敗將數十騎走入蠻中收捕不得後首出帝原其罪

梁高祖舉義兵至京師州牧郡守皆望風降欵吳興太守袁昂獨拒境不受命及建康城平昂束身詣闕高祖宥之不問也天監二年以爲後軍臨川王參軍事昂奉啓謝曰恩降絕望之辰慶集寒心之日焰灰非喻萑枯未擬樞衣聚足顛懼不勝臣遍歷三墳備

詳六典巡較賞罰之科調檢生歿之律莫不嚴五辟於明君之朝峻三章於聖明之世是以塗山始會致防風之誅鄆邑方構有崇侯之伐未有緩憲於斲戮之人奢刑於耐罪之族出萬死入一生如臣者也推恩反罪在臣實大披心瀝血敢乞言之臣東國賤人學行何取旣殊鳴鳳直木故無結綬彈冠徒藉羽儀易農就仕往年濫職守秩東隅仰屬龔行風馳電掩當其時也負鼎國者日至執玉帛者相望獨生在愚臣頓昏大義殉鴻毛之輕忘同德之重但三吳險薄五湖交通屢起田儉之變每懼殷通之禍空慕君魚

保境遂失師洎抱器後至者斬臣甘斯戮明刑殉衆
誰曰不然幸蒙約法之弘承解網羅之宥猶當降等
薪粲遂乃頓釋鉗赭斂骨吹魂還編黔庶濯鹿蕩穢
入楚遊陳天波旣洗雲油遽沐古人有言非歿之難
處歿之難臣之所荷曠古不書臣之歿所未知何地
高祖答曰朕遺卿卿無自外

江蒨初爲齊建康內史視事暮月義師下次江州遣
寧朔將軍劉譏之爲郡蒨帥吏民據郡拒之及建康
城平蒨坐禁錮俄被原起爲後軍臨川王外兵參軍
劉季連爲益州刺史舉兵叛後降旣至詣闕謝高祖

引見之季連自東掖門入數步一稽顙以至高祖前
笑謂曰卿欲慕劉備而會不及公孫述豈無卧龍之
臣乎季連復稽顙謝赦爲庶人

陳伯之初叛入魏後於尋陽擁衆八千復歸旣至以
爲使持節都督西豫州刺史永新縣侯邑千戶未之
任復以爲通直散騎嘗侍驍騎將軍

謝覽爲侍中頗樂酒因讌席與散騎嘗侍蕭琛相詆
毀爲有司所奏高祖以覽年少直出爲中權長史
張欣泰爲武陵內史坐賊私殺人被糾見原還復爲
直閣步兵較尉領羽林監

元帝時劉孝勝初爲安西武陵王紀長史蜀都太守
高祖太清中侯景陷京師紀偕號於蜀以孝勝爲尚
書僕射承聖中隨紀出峽口兵敗被執下獄帝尋宥
之起爲司徒右長史

陳高祖初侯瑱爲江州刺史鎮豫章討余孝頃留妻
子於豫章今從弟濬知後事濬與其部下侯方兒不
協方兒怒率所部攻濬虜掠瑱軍妓妾金玉歸於高
祖瑱旣失根本兵衆皆潰徑歸豫章人拒之乃趨湓
城投其將焦僧度勸瑱以高祖有大量必能容已乃
詣闕請罪高祖復其爵位

歐陽頴隨高祖討侯景有功梁元帝以爲忠武將軍
衡州刺史進封始興縣侯時蕭勃在廣州兵疆位重
元帝深患之遣王琳代刺史琳已至小桂領勃遣其
將孫瑒監州盡率部下至始興避琳兵鋒頴別據一
城不往謁勃閉門高壘亦不拒戰勃怒遣兵襲頴盡
收其貨財馬仗尋赦之還復其所復與結盟荊州陷
委質於勃及勃渡嶺出南康以頴爲前軍都督頓豫
章之苦竹灘周文育擊破之擒送于高祖釋之深加
接待

徐陵初自北齊還太尉王僧辯接待其禮甚厚以陵

為尚書吏部郎掌詔誥其年高祖率兵誅僧辯仍進
討韋載時任約徐嗣徽承虛襲石頭陵感僧辯舊恩
乃往赴約及約等平高祖釋陵尋以為貞威將軍尚
書左丞

文帝時華皎之叛也同逆皆誅之唯章昭裕昭達之
弟劉廣業廣德之弟曹宣高祖舊臣任蠻奴嘗有密
啓於朝廷南足竝獲有王琳據土流周文昭以州從
之及高祖踐祚琳遣其將曹慶等攻周迪仍使周文
昭將兵犄角之進為侯安都所敗擒以送都文帝釋
之授戎威將軍定州刺史帶西陽武昌二郡太守

謝嘏在梁為建安太守侯景之亂嘏之廣州依蕭勃
承聖中元帝徵為五兵尚書辭以道阻轉授智武將
軍蕭勃鎮南長史南海太守勃敗還至臨川為周迪
所留久之又度嶺之晉安依陳寶應世祖前後頻召
之嘏崎嶇寇虜不能自拔及寶應平嘏方詣闕為御
史中丞江德操所舉劾文帝不加罪責以為給事黃
門侍郎

張種為都官尚書賜無錫嘉興縣秩嘗於無錫見重
因在獄天寒呼出曝日遂失之大笑而不深責
宣帝初殷不佞為東官通事舍人廢帝嗣立帝為太

傳錄尚書輔政甚為朝望所歸不佞素以名節自立
又受委東宮乃與僕射到仲舉中書舍人劉師知尚
書左丞王暹等謀矯詔出高宗衆人猶豫未敢先發
不佞乃馳詣相府面宣勅令相王還第及事發仲舉
等皆伏誅高宗雅重不佞特赦之免其官而已

北齊高祖為東魏丞相相府法曹辛子炎諮事云須
取署子炎讀署為樹高祖大怒曰小人都不知避人

家諱

高祖父
名樹

伏之為前行臺郎中杜弼進曰禮二名

不備諱孔子曰言微不言在言在不言微子炎之罪
理或可恕高祖罵之曰眼着人噴乃復牽經引禮此

令出去弼行十步呼還子炎亦蒙釋宥

王則為荆襄六州都督渭曲之役則為西師圍逼遂
棄城奔梁梁放還高祖恕而不責

爾朱文略其妹魏孝莊皇后高祖納之文略以兄文
羅卒無後襲梁王以兄文暢事當從坐高祖特寬貸
文襄帝時司馬世雲太尉子如之兄子為潁川刺史
侯景反世雲舉州從之時母弟在鄴便傾心附景無
復顧望諸將圍景於潁川世雲臨城逼對諸將言甚
不遜帝猶以子如以恩舊免其諸弟死罪徙於北邊
梁太祖開平二年五月王師敗於潞州壬辰軍前行

營都將康懷英孫海金以下王將四十三人於左銀
臺門進狀待罪帝以去年發軍之日不利有違兵法
竝釋放無各賜分物酒食勞問

乾化元年八月戊寅幸興安鞠場大教閱帝自指麾
無不踊抃坐作進退聲振宮掖立神武統軍丁審衢
對御以紅帛囊劍擬乘輿帝曰宿將也恕之以劉
重霸代其任

二年命供奉官朱嶠於河南府宣取先嚴禁定州進
奉官崔騰竝僦從一十四人竝釋放仍命押領漢送
至具

滕唐戶部侍郎潔之子也廣明喪亂客于北諸侯爲
定州節度使王處存所辟去載領貢獻至闕未幾其
師稱兵遂繫之至是帝念賓介之來又已出境特命
縱而歸焉

宥過

夫閏以定位割據興邦舍小過舉賢才是其權也雖
讐若射鈎惡如盜馬叛國亡命犯禁抵刑猶然宥之
况其小者哉所以感彼衆志得其衆力保全宗祀聲
振隣敵能用權也與夫吹毛刺骨棄瑜錄瑕者不侔
矣吳景帝初嗣位詔曰丹陽太守李衡以往事之嫌

自拘有司夫射鈎斬祛在君為君遣衡還郡勿令自疑
衡為丹陽太守時景帝在郡治衡數以法繩之衡妻習氏每諫衡不從會帝立衡憂懼謂妻曰不用卿言以至如此遂欲奔魏妻曰不可君本庶人耳先帝相拔遇重既數作無禮而復逆自積嫌逃叛求活以此北歸何而見中國人乎衡曰計何所出妻曰琅邪王素好慕名方欲自顯于天下終不以私嫌殺君明矣可自囚詣獄表列前失顯求受罪如此乃當逆見優饒非但直活而已衡從之果得無患又加威遠將軍授以祭戟

宋高祖初表毛修之為龍驤將軍及劉毅鎮江陵以修之為軍司馬輔國將軍修之雖為毅將佐而深自結于高祖高祖討毅先遣王鎮惡襲取江陵修之與諮議參軍任集之等並為毅力戰高祖宥之

文帝時垣護之為江夏王義恭征北行參軍北高

太守以載禁物繫尚方久之蒙宥

明帝初在藩以戴明寶為典籤甚為所任及事平坐參掌戎務多納貨賄削所封爵繫尚方尋被宥復為

安陸太守

太始初王敬則為直閣將軍坐捉刀入殿啓事繫尚方十餘日乃復直閣

劉係宗為竟陵王誕子景粹侍書誕舉兵廣陵城內皆歿勅沈慶之赦係宗以為東宮侍書

南齊武帝時虞棕為散騎嘗侍太子右卒永明八年

大水百官戎服救太廟棕朱衣乘車鹵薄於宣揚門
外行馬內驅打人爲有司所奏特見原

柳世隆爲湘州刺史在州立邸治爲中丞瘦杲之所
奏詔原不問

東昏侯永元元年陳顯達爲侍中太尉北伐敗郢御
史中丞范岫奏免顯達官朝議優詔答曰昔衛霍出
塞往往無功馮鄩入關有時虧喪况公規謀蕭舉朝
寄薰浮見可知難無損威略方振遠圖廓清朔土雖
執憲有嘗非所得議顯達表解職不許降號又不許
以顯達爲都督江州軍事江州刺史鎮湓城持節本

官如故

梁高祖天監三年丘遲永嘉太守在郡不稱職爲
有司所糾高祖愛其才寢其奏

蕭穎達爲太子左衛率啓乞魚軍稅御史中丞任昉
奏請以見事免穎達所居官以俟還第高祖詔原之
陳高祖初受禪梁國子博士領步兵較尉沈文阿輒
棄官還武康高祖大怒發使往誅之時文阿宗人沈
恪爲郡請使者寬其死卽面縛鎖致於高祖高祖視
而笑曰腐儒復何爲者遂赦之

永定元年十一月西討都督周文育侯安都於郢州

敗績囚于王琳二年二月安都等於王琳所逃歸自
劾廷尉即日引見竝宥之戊寅詔復文育等本官
二年二月南豫州刺史沈泰奔於齊三月甲午詔曰
罰不及嗣自古通典罪疑惟輕布在方策沈泰反覆
無行遐邇所知昔有微功仍荷朝寄割符名郡推轂
累藩漢口班師還居方獄良田有踰於四百食客不
止於三千富貴顯榮正當如此鬼害其盈天奪其魄
無故猖狂自投獯醜雖復知人則哲惟帝其難光武
有蔽於龐萌魏武不知於于禁但今朝廷無我負人
其部曲妻兒各令復業所在及軍人若有恐脅侵掠

者皆以劫論若有男女口爲人所藏竝許諸臺申訴
若樂隨臨川王及節將立功者悉皆聽許
文帝天嘉元年王琳反奉蕭莊爲王及兵敗俱奔於
齊文帝乃詔蕭莊僞署文武官屬還朝者量加錄序
宣帝時任忠爲豫寧太守衡陽內史華皎之舉兵也
忠豫其謀及皎平帝以忠先有密啓於朝釋而不問
後主時魯廣達爲中領軍隋將韓擒虎之濟江也廣
達長子世貞在新蔡乃與其弟世雄及所部奔擒虎
遣使致書以招廣達時屯兵京師乃自劾廷尉請罪
後主謂之曰世貞雖異路中大夫公國之重臣吾所

恃賴豈得自同嫌疑之間乎加賜黃金即日還營
北齊高祖義旗初起李義深爲龍驤將軍歸高祖於
信都以爲大行臺郎中中興初除平南將軍鴻臚少
卿義深見爾朱兆兵盛遂叛高祖奔之兆平高祖怒
其罪以爲大丞相府記室參軍

陳元康爲相府功曹參軍時高仲密之叛高祖知其
繇崔暹故也將殺暹世宗匿而爲之諫請高祖曰我
爲捨其命須與苦手世宗乃出暹而謂元康曰卿若
使崔得杖無相見也暹在廷解衣將受罰元康趨入
歷階而陛且言大王方以天下付大將軍有一崔暹

不能容忍耶高祖從而宥焉

文宣帝天保中盧潛爲左民郎中坐譏議魏書與王
松年李庶等俱被禁止會清河王岳將兵救江陵特
舍潛以爲岳行臺郎還遷中書侍郎

武成帝時王則爲徐州刺史梁遣貞陽侯淵明堰水
灌城則固守歷時而取受狼籍鑠送晉陽帝怒其罪

悔過

古人有言曰改過不吝蓋所以懲往者之失杜將來
之非也自卯金絕紐吳蜀爭雄洎宋齊以還南北競
爽至於興戎創業嚮明央政謀有失策事或過舉乃

至暴怒中發斥棄仁賢率意肆刑外失群望而能深引前咎勿憚改作雖有發矢不追之機噬臍無及之悔然亦來者之可圖也爲人君者能保其國鮮不繇斯而已矣

蜀先主初入蜀於涪大會置酒作樂謂龐統曰今日之會可謂樂矣統曰伐人之國而以爲歡非仁者之兵也先主醉怒曰武王伐紂前歌後舞非仁者耶卿言不當宜速起出於是統逡巡引退先主尋悔請還統復故位初不顧謝飲酒自若先主謂曰向者之論阿誰爲失統對曰君臣俱失先主大笑宴樂如初

章武元年先主將伐吳黃權諫曰吳人悍戰又水軍順流進易退難臣請爲先驅以嘗寇陛下宜爲後鎮先主不從以擢爲鎮北將軍督江北軍以防魏師先主自在江南及先主軍敗引退而道隔絕權不得還故率所將領降于魏有司執法自收權妻子先主曰孤負黃權權不負孤也待之如初

吳大帝初爲吳王黃武中騎都尉虞翻性疏直權積怒非一遂徙交州翻雖在徙棄心不忘國嘗憂五谿宜討以遼東海絕聽人使來屬尚不足取令去人財以求馬旣非國利又恐無獲欲諫不敢作表以示呂

岱岱不報為愛憎所白復徙蒼梧猛陵後權遣將士
 至遼東於海中遭風多没失權悔之乃令曰昔趙簡
 子稱諸君之唯唯不如周舍之諤諤虞翻亮直善於
 盡言國之周舍也前使翻在此此後不成促下問交
 州翻若尚存者給其人船發遣還都若以亡者送喪
 還本郡使兒子仕官會翻已終歸葬舊墓妻子乃得
 還

嘉禾元年十月魏遼東太守公孫淵遣使稱藩於權
 權遣張彌許晏至遼東拜公孫淵為燕王婁侯張昭
 切諫權卒遣之昭念言之不用稱疾不朝權恨之上

塞其門昭又於內以土封之淵果殺彌晏權數慰謝
 昭昭固不起權因出過其門呼昭昭辭疾篤權燒其
 門欲以恐之昭更閉戶權使人滅火任門良久昭諸
 子共扶昭起權載以復還官深自克責

吳呂壹嘉禾中為較事權信任之壹性苛慘用法深
 刻太子登數諫權不納大臣繇是莫敢言後壹姦罪
 發露伏誅權引責躬一云典較呂壹竊美權柄擅作
 威福大將軍陸遜與太常潘濬

陸遜赤烏中為荊州牧太子有不安之議遜上疏陳
 太子正統宜有金石之固魯王藩臣當使寵秩有差

彼此得所上下獲安謹叩頭流血以聞書三四上及
帝詣都欲口論適庶之分既不聽許而遜外甥顧譚
顧承姚信竝以親附太子在見流徙太子太傅吳粲
坐數與遜交書下獄死權遣中使責讓遜遜憤急致
卒後遜子抗爲中郎將屯柴桑太元元年就都治病
病瘥當還權涕泣與別謂曰吾前聽用讒言與汝父
大義不篤以此負汝前後所問一焚滅之莫令人見
也

宋文帝元嘉二十七年十二月魏大武率大眾至瓜
步聲欲渡江都下震懼咸荷擔而立始議北侵朝士

多有不同至是帝登烽火樓極望不悅謂江湛曰北
伐之計同議者少今日士庶勞怨不得無慙貽大夫
之憂在予過矣

明帝泰始二年正月徐州刺史薛安都既降魏後遣
使歸順帝遣張永率軍迎之尚書右僕射蔡興宗曰
安都遣使歸順此誠不虛今宜撫之以和卽安所益
不過須單使及咫尺書耳若以重兵迎之勢必疑懼
或能招引北虜爲患不測時張永已行不見從安都
聞大軍過淮嬰城自守要取後魏永戰大敗又值寒
雪死者十八九遂失淮北四州永敗問至帝在乾明

殿先召司徒建安王休仁又召典宗謂休仁曰吾慙
蔡僕射以敗書示典宗曰我愧卿永卿大敗又敗
南齊武帝永明元年五月誅車騎將軍張敬兒初敬
兒妻謂敬兒曰昔時夢手熱如火而君得南陽郡元
徽中夢半身熱而君得本州今復夢舉體熱矣有闈
人聞其言說之事達帝敬兒又遣與蠻中交關帝疑
其有異志勅朝臣華林八關齊於坐收敬兒誅之後
數年帝與豫章王嶷三日曲水內宴舴舥船流至御
坐前覆沒帝繇是言及敬兒悔殺之齊無敬兒大

孫惠素武帝時爲少府卿勅市銅官碧青一千二百

觔供御盡用錢六十五萬有饒惠素納利武帝怒勅

尚書評價貴二十八萬餘有司奏伏誅歿後家徒四

壁帝後知無罪甚悔恨之齊無與西與封國十萬

時元帝承聖中以荆湘疑上命領軍將軍王僧辯及

鮑泉討之僧辯謂泉曰非精兵一萬不足以制之我

竟陵甲士已遣召之帝性嚴忌微聞其言以爲遷延

不肯去稍已會怒及僧辯將入謂泉曰我先發言君

可見係泉又許之及見帝帝迎問曰卿已辦乎何日

當發僧辯具對如向所言帝大怒案劍厲聲曰卿憚

行耶因起入內泉震怖失色竟不敢言湏臾遣左右

數十人收僧辯既至謂曰卿拒命不行是欲同賊今
 唯有死耳僧辯對曰僧辯食祿既深憂責實重今日
 就戮豈敢懷恨但恨不見老母帝因斫之中其左脾
 流血至地僧辯悶絕久之方蘇即送付廷慰並收
 其子姪並皆繫之會岳陽王軍襲江陵人情搔擾本
 知其備帝遣左右往獄問計於僧辯僧辯具陳方略
 帝即赦為城內都督
 後梁宣帝初為岳陽王鎮襄陽與西魏在國于謹伐
 江陵平之帝將尹德毅說帝請于謹等為歡豫伏武
 士因而斃之分命果毅掩其營壘斬馘遺醜帝不從

謂德毅曰卿之此策非不善也然魏人待我甚厚豈
 可背德若遽為卿計則鄧祁侯所謂人將不食吾餘
 也既而闔城長幼被虜入關又失襄陽之地帝乃追
 悔曰恨不用尹德毅之言以至於是大
 陳宣帝大建中間五兵尚書毛喜曰我欲進兵彭汴
 於卿意如何喜對以不若安民保境寢兵復約帝不
 從後吳明徹陷周帝深悔之謂袁憲曰不用毛喜計
 遂令至此朕之過也
 初吳明徹北伐克捷帝以為河南可定通事舍人蔡
 景歷諫稱師老將驕不宜過窮遠略帝惡其沮眾大

怒出爲豫章內又徙會稽及明徹敗帝追憶景歷前
言卽日追還復以爲征南鄱陽王諮議參軍數日遷
負外散騎嘗侍兼御史中丞復本封爵

北齊神武將圖關右與鎮北將軍段榮密謀榮盛稱
未可及涓曲失利神武悔之曰吾不用段榮之言以
至於此

陳元康爲尚書右丞初從神武破周太祖於邗山大
會諸將議進退策咸以爲野無青草人馬疲瘦不可
遠追元康曰兩雄交爭歲月已久今得大捷便是天
授時不可失必須乘勝追之神武曰若遇伏兵孤何

以濟元康曰王前沙苑還軍彼尚無伏今奔敗若此
何能遠謀若捨而不追必成後患神武竟不從及疾
篤謂文襄曰邗山之戰不用元康之言方貽汝患以
此爲恨死不瞑目

文宣帝天保初中書舍人元文遙忽有中旨幽執竟
不知所繇如此積年帝後自幸禁獄執手愧謝親解
所着金帶及御服賜之卽日起爲尚書祠部郎中

梁太祖初爲梁王唐天祐二年十月自襄州引軍繇
光州路趨淮南將發判官敬翔切諫請班師以全軍
勢帝不聽及次于棗陽遇大雨頗阻師行之勢軍至

壽春壽人堅壁清野以待帝軍帝乃退舍於正陽十
一月大軍北濟帝至汝陰潁悔淮南之行

壽春

